



Nuuk 25 nov. 2011

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:  
(Inatsisartunut ilaasortaq, Olga P. Berthelsen Inuit Ataqtigiit).

1. 2012-mut nunaqarfiit avinngarusimanerusullu, KNI-mut kiffartuussinissamut isumaqatigiissusiorneq tunngavigalugu, qanoq aaqiivigineqarpat?
2. KNI-p kiffartuussinierata qaffasissusaa ataatsimut isigalugu nalilersorneqarpat?
3. Kiffartuussinissamut isumaqatigiissusiornikkut nunaqarfiit avinngarusimanerusullu pilersorneqarnikkut, pisiniarfeqarnikkut, sulisutigullu allannguiffigineqarpat?
4. Nunaqarfinni pisiniarfiit sorliit qassillu, aaqqissuussaannerikkut aammalu amasarnernut tunngatillugu allannguiffiginiarneqarpat?
5. Qaanaami qimmit annikinnerpaamik, silap peqqutigisaanik perleralersut ikiorsiiffiginiarlugit, KNI qanoq suleqatigineqarsinnaava?

Tunngavilersuut:

Juli-p 4-ani 2011 §37-kut apeqquteqaatinnut, Naalakkersuisut akissuteqaamminni oqaatigaat, 2012-mut nunaqarfiit isorliunerusullu, pilersorneqarnissaannut kiffartuunneqarnissaannullu tunngatillugu, Naalakkersuisut KNI-lu isumaqatigiinniarnernik aallartitsisimasut. Isumaqatigiinniarnernit angusaasimasut paaserusunnarput, nunaqarfinni isorliunerusunilu ukiup ingerlanerani qanoq naatsorsuuteqarsinnaanissaq ilisimassallu pingaaruteqarmat.

Akissuteqaammi siuliani eqqaasanni, Naalakkersuisut oqaatigaat KNI-mut aningaasat tunniunneqartartut tunngavigalugit nalilersuinissaq pingaaruteqartuusoq. Akissuteqaammi taama oqarneq tunngavigalugu, maannamut qanoq iliuuseqartoqarsimanersoq paaserusunnarpoq.

Iginniarfimmiit saaffiginnissutit tunngavigalugit, Iginniarfimmi pisiniarfiup millilerneqarnissaa siunniunneqarsimavoq. Taamatut aalajangersaanermi nunaqarfimmiut tusarniarneqarsimanatit oqaatigaat. Tamanna sumik tunngaveqarnersoq paasissallugu pingaaruteqarpoq, nunaqarfinni isorliunerusunilu allani, iliuutsinik taama ittunik pilersaaruteqartoqarnersoq aamma paaserusunnarmat.

Ulluni kingullerni tusagassiutitigut tusarparput, Qaanaami silaannaap allanngorneranik peqquteqartumik, piniarniarneq assut ajornartoq. Ilisimavarput nunatta avannaani kaperlattumi, sikukkut piniarneq

ingerlanneqarsinnaangippat, taava inuussutissarsiornikkut  
nerisassaqarniarnikkullu assut ajornartorsiorfiusartoq. Qaanaaq  
aammalumi avannaa eqqarsaatigalugit, inuussutissarsiornikkut qimmit  
pinngitsoorneqarsinnaangillat. Taamaattumik inuussutissarsiornikkut  
annertuumik ajornartorsiulertoqassanngippat, pisariaqarluinnarpoq  
arlaatigut iliorluni ikiorsiisinnanenerup aallartinneqarnissaa. KNI  
aqqutigalugu qimmit nerisassaqartinneqarsinnaanissaat, isumaqarpunga  
periarfissarsiuunneqarsinnaasoq inuussutissarsiонерup, soorlu  
takornarianik sullissisarneq ajutoorluinnassanngippat.